



Rabu, 05 Oktober 2022

**Ogen: Daniel 3:19-25**



Rupa Anak Dibata



Sada si menarik i bas cerita Saderah, Mesah ras Abednego e me erna kesetianna, komitmenna ras kinitekenna. Lit nge si jumpai kalak si bage i bas zaman gundari? Sabap mbue nge i sekelewetta enda si erbansa kesetiaan, komitmen ras kinitekenta monce-once. Si perdiateken pengalamamen si man alaken Saderah, Mesah, Abednego. Si eteh maka teluna ia kalak Israel si ikut itawin ku Babil. Raduken kerina bangsa Israel. Kecibal Saderah Mesah Abednego ndauh ulin asangkan teman sebangsana. Sabap petinggi kerajaan Babel ngidah maka i bas kalak enda lit skill, keahlian ras pemeteuh si banci ipake i bas kerajanna. E maka kalak enda ibereken sada dahin. Tapi i bas dahin si lumayan, reh me perbeben man Saderah, Mesah, Abednego, e me iarusken ia nempa man gana-gana si ibangun Raja. Adi la isembahna, maka teluna ia iambeken ku api si gurlah (Dan.3: 14-15). Janah kai si ilakoken Saderah Mesah Abednego? La ia nggit nembah gana-gana e. Tetap ia setia ras erkomitmen man Dibata. Merawa kal Raja, e maka iperintahkenna gelah Saderah, Mesah, Abednego itamakan ku api si gurlah. Erkiteken si e kalak enda itamakan ku api si gurlah. Engkai maka kalak enda pang? Erkiteken Tuhan ndauh belinen asangkan persoalen-persoalen si ialakenna janah ras Tuhan ia ngasup ngalaken kerina perkara...sabap tek ia Tuhan ngasup. "Adi ngasup kin Dibata si isembah kami e mulahi kami i bas api ginuhur si gurlah e nari ras i bas kuasandu, tentu ipulahiNa kami" (ay.17). Ambah si e, i bas Tuhan, asum IA ngidah kita i bas perbeben ras persoalen, i idah Tuhan maka i je me kesempatanNa guna ncidahken kuasaNa ras kemuliaanNa i bas kegeluhenta. Api si gurlah e la erbansa Saderah, Mesah, Abednego meseng ras mate. I idah Raja lanai terjeng telu Tapi empat kalak i bas api si gurlah e, janah si peempatken e rupana bagi anak Dibata. Aminna pe manusia labo pernah ngidah rupa Dibata, tentu si idah Nebukadenezar e me kemuliaan Dibata (Kel.24:16). Tangkas maka Tuhan nampati ras mereken gegeh man Saderah, Mesah, Abednego.